

Gvangjsih Minzcuz Bau

Cawiguenj: Gvangjsih Bouxcuengh Swcigh Minzcuz Cunghvau Swvu Veijvenzei

Cawibanh: Gvangjsih Minzcuz Bause

Geiz neix 8 bani

广西民族报

Aenhauh okbanj: CN45-0036

B.2023

Nd.12 Ng.20

Liggaeuq gveijmaux nienz ndwen'it cobet

Geizsoq: Gungh daih 3602 geiz

Siz Ginbingz Mwh Youq Gvangjsih Gaujcaz Daegbied Gangj Daengz

Gejcuengq Swhsiengj Cauhmoq Gouz Bienq Coh Haij Maeuz Ak Haicuengq Hwnghat
Haenqrengz Raiz Bien Faenzcieng Gvangjsih Yiengh Yendaiva Cungguk

习近平在广西考察时强调

解放思想 创新求变 向海图强 开放发展
奋力谱写中国式现代化广西篇章



▲ 12 nyied 14 hauh daengz 15 hauh, Cunghung Cunghyangh cungsuhi, Guekgya cujsiz, Cunghyangh Ginhveij cujsiz Siz Ginbingz youq Gvangjsih gaujcaz. Neix dwg 14 hauh banhaet, Siz Ginbingz mwh youq Nanzningz Si Liengzging Gih Banzlungz Segih gaujcaz, caeuq segih gak cuz vunzlai gangjgoi.
Sinhvazse gicej Yen Yen/ingj

Sinhvazse Nanzningz 12 nyied 15 hauh dienh Cunghung Cunghyangh cungsuhi, Guekgya cujsiz, Cunghyangh Ginhveij cujsiz Siz Ginbingz mboengqneix mwh youq Gvangjsih gaujcaz daegbied gangj daengz, Gvangjsih aeu caezcieng, cinjdeng, cienzmienh gvancez aen leixniemh hwnghat moq, gaenjdaet gaemdawz hwnghat ndei saed aen yinvu daih'it neix caeuq cauhaeb aen gwzgz hwnghat moq aen canloz yinvu neix, fatok gijndei bonjfaenh, aeu couqmaenh gij eijsik caezcaemh Cunghvaz Minzcuz guh sienqmeh, gejcuengq swhsiengj, cauhamoq gouz

bienq, coh haij maeuz ak, haicuengq hwnghat, roengzrengz youq gwnz doidoengh gizdieg minzcuz bien' gyaiq hwnghat ndei saed miz dangguh engq lai, youq gwnz hwnghat aen Gvangjsih maenghndei sevei cuji miz daegsaek Cungguk seizdaih moq mboujduenh aeundaej baenaj moq, haenqrengz raiz bien faenzcieng Gvangjsih yiengh yendaiva Cungguk.
12 nyied 13 hauh, Siz Ginbingz gietsat camcunz Yeznanz dauq daengz ndaw guek. 14 hauh daengz 15 hauh, Gvangjsih Bouxcuengh Swcigh Dangveij suhi Liuz Ningz caeuq Swcigh Cwnghfuj cujsiz Lanz

Denhliz buenx, gonqlaeng daengz Nanzningz, Laizbinh daengj dieg, bae aen hanghmoeg doiqrog haicuengq, segih, lajmbanj, giyez daengj dieg diuyenz.
14 hauh banhaet, Siz Ginbingz daih'it gaujcaz le Cungguk—Dunghmungz Sinsizgangj Gujfw Mizhanh Gunghsw youq Nanzningz Si haenx. Siz Ginbingz ciengzsaec roxyiuj Cungguk—Dunghmungz sinsizgangj hwnghat guenjguh, Cungguk—Dunghmungz ginghmou doxgap daengj cingzgvang, giethab Bingzlu Yinhoz sabuenz dingqaeu gij bauqlwnh hwnghat diuz roen moq

luzhaij baihsae. Siz Ginbingz vixok, hwnghat Cungguk—Dunghmungz sinsizgangj, dwg hangh banhfap youqgaenj doidoengh caezguh “it rangh it loh”, gyagiengz guek raeuz caeuq Dunghmungz guekgya doxlienz doxdoeng ndeu. Gvangjsih aeu cawjdoengh dangguh, fatok gij cozyung diemjcengj, gyagiengz sinsizva hwnghat caeuq wngqyungh, mboujduenh guenqhaeuj rengzdoengh moq bae doicaenh doiqrog suijsingz sang, coicaenh caeuq Dunghmungz doxgap.
(cienj banj ngeih)